

gioni obtensam. Quod uero exterioris huius trunci reliquum est, ad hunc modum inter musculos anteriorem tibiae sedem sibi uendicantes prorepens, illisq; musculis ramulos offerens, li <sup>si</sup> <sup>muscul.</sup> <sup>tab. 7.</sup> gamento incumbit, fibulam tibiae ossi secundum totam tibiae longitudinem colliganti, ac una tandem cum tendinibus digitos extendentibus sub<sup>6</sup> transuerso huius regionis ligamento in pedis superiora ducitur, & penitus sub tendinibus latitans, digitorum superiori sedi ramos exporrigit. Antequam tamen transuersum id ligamentum subit, ramulum deriuat cuti intertex tum, qua ipsum ligamentum integitur. At praeter eum ramulum<sup>1</sup> magnam sui portionem sub medio longitudinis tibiae per membraneum transmittit ligamentum, fibulam tibiae ossi colligas, atq; haec portio<sup>6</sup> interiori trunco quarti nerui permiscetur, quem pedis inferiora accedere mox dicam. Interior itaq; quarti nerui truncus, qui exteriori multo grandior est, inter capita primi ac secundi pedem mouentium musculorum in tibiam subiens, mox<sup>1</sup> ramum diffundit multipli ci sobole in cutem digestum, quae posteriori tibiae sedi ad calcem usq; obducitur. Quanquam in terim ramus ille non uniuersus in cutem absorbetur, uerum ipsius etiam portio<sup>m</sup> inter quartum pedem mouentium musculum, & primum quoq; & secundum tantisper fertur, quousq; tres il li musculi uniantur. nam & hic quoq; portio illa cutem adit. Ipse uero interior truncus in poste riorem tibiae sedem penitus prorepens, fertur inter quartum pedem mouentium musculum, & itaq; deorsum tendens, exterioris trunci<sup>1</sup> propaginem assumit, huc per membraneum ligamen tum transmissam. Quum uero hoc interioris trunci reliquum ad tibiae usq; humiliora contem dit, una cum huius sedis tendinibus per<sup>o</sup> transuersum ligamentum inter calcem & interiorem malleolum pedis inferiora perit, musculis inibi repositis distribuendū, ac singulorum digitorū inferiori sedi duos furculos oblaturum. Quot autem hic reponantur<sup>o</sup> musculi, in secundo libro dilucidè commemorauimus. Quando hic collocari dicebatur, qui quatuor digitorū secundos flestit articulos, & qui quatuor digitos pollicis adducunt, & qui primos quinque digitorum fle ctunt articulos, & qui pollicem maxime ab indice abducit, & musculus minimum digitum a ce teris remouens. Verum uti in manu quoq; dictum est, nerui his musculis potius attenduntur, quam innascantur, aut inserantur. Porro praeter hanc quarti nerui seriem, etiam subinde<sup>o</sup> inue nies<sup>o</sup> exteriorem truncum priusquam pedem contingat cessare, multoq; minus per membraneum ligamentum fibulam tibiae ossi colligans, sui portionem interiori offerre. Imò ab interiori trun co, quum posteriori sedi eius ligamenti exporrigitur, ramum educi animaduertes, qui ligamen tum id per foras deorsum fertur, inter musculos in anteriori tibiae sede positos, ac hinc per trans uersum ligamentum in tibiae anteriori sede conspicuum prorepens, superiori digitorū sedi ra mulos communicat. Qua autem administrandi ratione hanc seriem obserues, ad finem septimi libri recensebo: ubi non hanc modò persequare, uerum omnem uenarum, arteriarum, ac neruo rum sectionem, quae ad manus cruraq; potissimum spectant. nam eorum uasorum quae uisce ribus sunt propria, sectionem in trium subsequentium librorum calce priuatim perstringam: quando earum partium, quibus uasa illa committuntur, administrandi rationem pertractabo: praesenti libro iam colophonem, neruorum non ineleganti deli neatione hic insuta, addens,

neatione hic insuta, addens,

NER-